

# LA NOSTRA “ LINGUA ”

L'angolo dialettale

“ Zèrudela”

Zèrudela provinzièl  
In sté righ, o bàn o mèl,  
ai' ho da der inezzi  
( mè che a l'ho par vezzi  
qual ed scrivèr in bulgnèis )  
ad argumènt pr'al paëis  
di abitànt ed Sâs Marcòn.  
Pr'omna serie ed rasòn  
Ai'ho azetè sté fatt;  
qual 'd'fèr un peccol ritratt  
pr'al progett ed “DIS RIGH”  
invuiè da suquant amigh.

Onna schiera ed personagg,  
brisa zànt con del curagg,  
ma tott quant appasionè,  
par qual ch'l' è l'antichità.  
Tott insamm avén dezis  
ch'l' è giòst cgnosser al radis  
dl'antiga popolazòn  
ch'l'ha vissò a Sâs Marcòn,  
con tant'etèr argumènt:  
Vell, Cis, e monument.

Ormai, gira e prella,  
tra poch l' è al dòumella  
e mé, piò che vluntira  
fatt a la mi manira  
come scrittòur dialettèl,  
a fag i'Auguri ed Nadèl  
e par l'ann nov cl'al vgnarà;  
tanta pes in ogni cà,  
che la vetta l'è tant bèla,  
toc e daila zèrudela

**Marco Sammarchi**